

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 31. Zakona o državnoj službi u Federaciji Bosne i Hercegovine (“Službene novine Federacije BiH”, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona“, broj: 3/12), članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18), članom 22. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine (“Službene novine FBiH”, broj: 13/19), članom 6. stav 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05), Rješenjem o postavljenju sekretara Sekretarijata za zakonodavstvo Zeničko-dobojskog kantona, broj: 02-30-4093/21 od 26.03.2021. godine i Obavještenjem Agencije za državnu službu Federacije Bosne i Hercegovine, broj: 08-30-8-219-29/20 od 27.04.2021. godine, na prijedlog premijera Kantona, Vlada Zeničko-dobojskog kantona, na 105. sjednici, održanoj dana 30.04.2021. godine, d o n o s i

RJEŠENJE **o preuzimanju dužnosti**

I.

Mirnes Burkić, diplomirani pravnik, postavljen na radno mjesto „sekretar Sekretarijata za zakonodavstvo“ u Sekretarijatu za zakonodavstvo Vlade Zeničko-dobojskog kantona, Rješenjem o postavljenju sekretara Sekretarijata za zakonodavstvo Zeničko-dobojskog kantona, broj: 02-30-4093/21 od 26.03.2021. godine, preuzima dužnost radnog mjesta dana 04.05.2021. godine, polaganjem zakletve vjernosti.

II.

Imenovanom se utvrđuje osnovna plaća izražena u drugom (II) platnom razredu sa utvrđenim koeficijentom 6,20 pomnožena sa osnovicom za plaću uz povećanje za 0,5% za svaku započetu godinu penzijskog staža, a najviše do 20%.

III.

Ostala prava i obaveze imenovanog iz radnog odnosa regulisat će se posebnim rješenjem.

Obrazloženje

Na osnovu člana 24., a u vezi sa članom 74a. Zakona o državnoj službi u Federaciji Bosne i Hercegovine (“Službene novine Federacije Bosne i Hercegovine”, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona“, broj: 3/12), Pravilnika o unutrašnjoj organizaciji i sistematizaciji radnih mjesta Sekretarijata za zakonodavstvo Vlade Zeničko-dobojskog kantona i Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona, Agencija za državnu službu Federacije Bosne i Hercegovine raspisala je javni konkurs za popunu radnog mjesta rukovodećeg državnog službenika “sekretar Sekretarijata za zakonodavstvo” u Sekretarijatu za zakonodavstvo Vlade Zeničko-dobojskog kantona.

Nakon provedene konkursne procedure za popunu upražnjenog radnog mjesta rukovodećeg državnog službenika “sekretar Sekretarijata za zakonodavstvo“ u Sekretarijatu za zakonodavstvo

Vlade Zeničko-dobojskog kantona i dostavljene Liste uspješnih kandidata od strane Agencije za državnu službu Federacije Bosne i Hercegovine broj: 08-30-8-219-20/20 od 24.02.2021. godine, prema kojoj je kandidat Mirnes Burkić, u okviru javnog konkursa osvojio 96,43% bodova na stručnom ispitu, stekli su se uslovi da Vlada Zeničko-dobojskog kantona, kao organ nadležan za imenovanje, shodno članu 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine FBiH“, broj: 13/19), izvrši postavljenje Mirnesa Burkića na radno mjesto navedeno u dispozitivu ovog rješenja.

Na osnovu navedenog, na 99. sjednici Vlade Zeničko-dobojskog kantona, održanoj dana 26.03.2021. godine, Vlada Zeničko-dobojskog kantona je donijela Rješenje o postavljenju Mirnesa Burkića na radno mjesto „sekretar Sekretarijata za zakonodavstvo“ u Sekretarijatu za zakonodavstvo Vlade Zeničko-dobojskog kantona, broj: 02-30-4093/21 od 26.03.2021. godine, kojim je u tački II. utvrđeno da “imenovani preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa”.

Članom 31. Zakona o državnoj službi u Federaciji Bosne i Hercegovine i članom 22. stav 4. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine, propisano je da postavljeni državni službenik preuzima dužnost polaganjem zakletva vjernosti pred rukovodiocem organa državne službe.

Aktom, broj: 08-30-8-219-29/20 od 27.04.2021. godine, Agencija za državnu službu Federacije Bosne i Hercegovine obavijestila je premijera Zeničko-dobojskog kantona, da je Javni konkurs objavljen u „Službenim novinama FBiH“, broj: 92/20 od 18.12.2021. godine, za radno mjesto sekretar Sekretarijata za zakonodavstvo Vlade Zeničko-dobojskog kantona okončan i da je organ nadležan za postavljenje dužan pozvati postavljenog kandidata Mirnesa Burkića da preuzme dužnost.

Odredbom člana 20. Zakona o plaćama i naknadama u organima vlasti Zeničko-dobojskog kantona utvrđen je drugi (II) platni razred sa koeficijentom 6,20 za obračun plaće za radno mjesto sekretar Vlade Kantona.

Na osnovu navednog, riješeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine, u roku od 15 dana od dana prijema rješenja.

Broj: 02-_____/21
Datum, 30.04.2021. godine
Zenica

PREMIJER
po ovlaštenju

Spahija Kozlić

DOSTAVLJENO:

1x Imenovani,
1x Agencija za državnu službu FBiH,
1x Sekretarijat za zakonodavstvo,
1x Ministarstvo finansija,
1x Personalni dosije imenovanog,
1x Oglasna tabla,
1x a/a.